

Headline	Anugerah Untuk Saintis Wanita		
Date	20. May 2008	Language	MALAY
Media Title	Utusan Malaysia	Page No	9
Section	Supplement	Article Size	538 cm²
Circulation	238082	Frequency	Daily
Readership	833287	Color	Full Color



Anugerah untuk saintis wanita

Oleh SADATUL MAHIRAH ROSLI

BUAT kali ketiganya L'Oréal Malaysia menawarkan Anugerah Nasional Fellowship untuk Wanita dan Sains (FWIS) 2008 kepada tiga orang saintis wanita negara ini yang berjaya bagi menggalakkan pembabitan mereka dalam dunia penyelidikan sains.

Setiap seorang bakal menerima bantuan bernilai RM20,000 untuk kerja-kerja penyelidikan dalam bidang sains di universiti tempatan.

Pengarah Komunikasi Korporat dan Hubungan Media L'Oréal Malaysia, Tay Ai Leen berkata, program yang mendapat sokongan serta pengiktirafan daripada Suruhanjaya Negara bagi Pertubuhan Pendidikan, Saintifik dan Kebudayaan Pertubuhan Bangsa-Bangsa Bersatu (UNESCO) setakat ini berjaya menggalakkan seramai lapan saintis wanita negara sama ada di peringkat bantuan antarabangsa dan bantuan nasional.

Katanya, program tersebut turut mendapat kerjasama Akademi Sains Malaysia, Kementerian Sains, Teknologi dan Inovasi dan Kementerian Pengajian Tinggi.

"Pada tahun ini, sekali lagi bagi menyokong kajian sains para saintis wanita dan kepentingannya boleh dinikmati bersama rakyat pada masa akan datang, L'Oréal Malaysia menawarkan bantuan RM20,000 untuk saintis wanita yang berkaliber

Pada tahun ini, sekali lagi bagi menyokong kajian sains para saintis wanita dan kepentingannya boleh dinikmati bersama rakyat pada masa akan datang, L'Oréal Malaysia menawarkan bantuan RM20,000 untuk saintis wanita yang berkaliber

di laman web www.loreal.com.my atau sekretariat UNESCO. Tarikh tutup ialah 31 Ogos 2008 dan majlis penyampaian anugerah akan diadakan pada Oktober 2008," katanya pada sidang akhbar anugerah itu baru-baru ini.

Menurut Ai Leen, antara kriteria ialah calon mestilah yang sedang melanjutkan pelajaran di peringkat kedoktoran atau telah memperoleh ijazah doktor falsafah (PhD) dan baru bekerja.

"Calon mestilah rakyat Malaysia yang berumur bawah 35 tahun," katanya.

Pada tahun 2001, buat pertama kalinya calon Malaysia menerima bantuan antarabangsa iaitu Dr. Suraini Abdul Aziz dari Universiti Putra Malaysia (UPM) diikuti pelajar PhD Universiti Kebangsaan Malaysia (UKM), Nyon Mun Peak pada tahun 2006.

Sementara itu, anugerah bantuan kebangsaan yang diperkenalkan buat



FOR WOMEN IN SCIENCE

L'ORÉAL

United Nations
Educational, Scientific and
Cultural Organization

TAY Ai Leen mahu wanita merebut anugerah ini bagi menggalakkan lagi penyelidikan dalam bidang sains dan memperbaikkan saintis wanita.

Gambar NOOR AZLINA JAAFAR

kali pertamanya pada tahun 2006 telah dimenangi oleh pelajar peringkat PhD dalam bidang kejuruteraan tisu di Fakulti Perubatan UKM, Munirah Sha'ban; pensyarah di Fakulti Sains Perubatan dan Kesihatan, UPM, Dr. Latifah Saiful Yazan dan pelajar peringkat PhD dalam bidang Molekul Perubatan di UPM, Crystale Lim Siew Ying.

Pada tahun lalu pula diterima oleh pensyarah Fakulti Elektronik, Elektronik dan Sistem Kejuruteraan, UKM, Dr.

Huda Abdullah; pensyarah Fakulti Teknologi Industri, Dr. Liang Min-Tze, dan pensyarah Kejuruteraan Material, Dr. Srimala Sreekantan, masing-masing dari Universiti Sains Malaysia (USM), Pulau Pinang.

Menurut Ai Leen, sejak diperkenalkan pada tahun 1998, seramai 500 saintis wanita dari seluruh dunia telah menerima anugerah sama ada di peringkat Laureates, antarabangsa dan kebangsaan.